

U G O V O R
o snabdijevanju električnom energijom tarifnog kupca
za kategorije Ostala potrošnja na 0,4 kV i Javna rasvjeta

Broj: ST - 403-202-23711/11/2011

zaključen između:

Javno preduzeće Elektroprivreda Bosne i Hercegovine d.d. - Sarajevo, Vilsonovo šetalište 15, Sarajevo,
Podružnica "Elektrodistribucija" SARAJEVO, adresa: Zmaja od Bosne 49,
SARAJEVO 71000,
koju zastupa Esed Džananović, direktor ili ovlašteno lice (u daljem tekstu "Snabdjevač"),

Krajnji kupac: JU U DRŽAVNOJ SVOJINI OŠ ZAIM KOLAR DEJČIĆI, adresa: DEJČIĆI BB BB, TRNOVO 71220
ID: 4200169140000

PDV:

kojeg zastupa KIMETA LINDOV, direktor (u daljem tekstu "Kupac").

Osnovni podaci o Kupcu:

1. Kategorija i grupa potrošnje: Ostala potrošnja na niskom naponu, II tarifna grupa (M2)
2. Šifra Kupca: 403 - M - 1816
3. Šifra mjernog mjesta: 137878
4. Adresa mjernog mjesta: DEJČIĆI BB BB, TRNOVO
5. Adresa dostave računa: DEJČIĆI BB BB, TRNOVO 71220
6. Mjesto isporuke/preuzimanja električne energije: NNPM, na nominalnom naponu: 0.4 kV.
7. Mjesto mjerenja električne energije: MO, na nominalnom naponu: 0.4 kV.
8. Vrsta priključka: NN trofazni-postojeći kupac, na nominalnom naponu: 0.4 kV.
9. Priključna snaga (kW): 8 kW
10. Broj i datum ugovora o priključenju:
11. Broj i datum ugovora o korištenju distributivne mreže: 202-23711/11, 29.09.2011
12. Kupac iz člana 81. Opštih uslova (primjenjuje se član 10. ovog Ugovora): NE

Član 1.

Predmet Ugovora

Predmet ovog Ugovora je snabdijevanje električnom energijom i definisanje odnosa, prava i obaveza između Snabdjevača i Kupca koji ima status nekvalifikovanog (tarifnog) kupca električne energije na niskom naponu.

Na sve što nije regulisano ovim Ugovorom primjenjivat će se odredbe slijedećih propisa: Zakon o obligacionim odnosima (u daljem tekstu "ZOO"), Zakon o električnoj energiji - "Sl. novine F BiH" br. 41/02, 24/05, 38/05 i 61/09 (u daljem tekstu "ZEE"), Odluka o tarifnim stavovima za prodaju električne energije nekvalifikovanim (tarifnim) kupcima JP EP BiH d.d.- Sarajevo - "Sl. novine F BiH" br. 40/11, (u daljem tekstu "Odluka o tarifnim stavovima"), Opšti uslovi za isporuku električne energije - "Sl. novine F BiH" br. 35/08, 81/08, 32/10 i 37/10 (u daljem tekstu "Opšti uslovi"), Pravilnik za tarifnu metodologiju i tarifne postupke - "Sl. novine F BiH" br. 45/05 i 77/10 (u daljem tekstu "Pravilnik"), Dozvola za rad - Licenca za obavljanje djelatnosti snabdijevanja električnom energijom prvog reda br. 06-03-467/12/07 (u daljem tekstu "Licenca"), Uredba o korištenju obnovljivih izvora energije i kogeneracije - "Sl. novine F BiH" br. 36/10 i 11/11 odnosno propisi i akti koji u toku važenja ovog Ugovora na novi način urede pitanja regulisana navedenim propisima, odnosno aktima, kao i ostali zakonski i podzakonski akti koji tretiraju ovu materiju.

Član 2.

Snaga i količina električne energije i uslovi snabdijevanja

Snabdjevač će isporučivati, a Kupac će preuzimati električnu energiju i snagu preko distributivne mreže isključivo za svoje potrebe i u skladu sa zaključenim ugovorima o priključenju i korištenju distributivne mreže.

Snabdjevač se obavezuje da će u okviru svojih nadležnosti obezbijediti Kupcu električnu energiju i usluge u skladu sa ZEE, Licencom i Opštim uslovima.

Snabdjevač i Kupac oslobađaju se preuzetih obaveza u pogledu isporuke odnosno preuzimanja električne energije u slučajevima definisanim Opštim uslovima, dio četvrti, poglavlja I i IV (Uslovi obustave električne energije i ograničenja u isporuci).

Član 3.

Uslovi korištenja distributivne mreže

Kupac je dužan koristiti priključak i distributivnu mrežu prema uslovima iz elektroenergetske saglasnosti i u skladu sa Opštim uslovima, odnosno u skladu sa Ugovorom o korištenju distributivne mreže.

Član 4.

Način mjerenja

Način mjerenja, te uslovi i način očitavanja mjernih uređaja definisani su Ugovorom o korištenju distributivne mreže.

Kupac je dužan u svako vrijeme omogućiti pristup obračunskom mjernom mjestu i mjernim uređajima radi održavanja i očitavanja, kao i radi obustave isporuke - isključenja.

Očitavanje mjernih uređaja vrši se jedanput mjesečno na kraju svakog mjeseca, kao i u slučaju promjene tarifnih stavova i drugih elemenata koji utiču na obračun.

Ukoliko Kupac ne plati tri dospjela računa u proteklih šest mjeseci, Snabdjevač može dalje snabdijevanje Kupca električnom energijom usloviti ugradnjom pretplatničkog brojala.

Član 5.

Način obračuna

Snabdjevač vrši obračun električne energije Kupcu po obračunskim elementima na osnovu očitanih mjernih podataka i na osnovu tarifnih stavova i vremena primjene tarifnih stavova iz važeće Odluke o tarifnim stavovima.

Strane su saglasne da izuzetno, u slučaju nedostupnosti i nemogućnosti očitavanja mjernih uređaja, Snabdjevač može izvršiti obračun na osnovu procjene kontinuirane potrošnje, kao i prihvatiti očitavanje izvršeno od strane Kupca za najviše tri obračunska perioda uzastopno.

Kupac preuzima obavezu plaćanja pripadajućeg dijela troškova zajedničke potrošnje ako sa više krajnjih kupaca ostvaruje zajedničku potrošnju.

Član 6.

Dostava računa i plaćanje

Snabdjevač dostavlja račun Kupcu na osnovu obračuna izvršenog po odredbama ovog Ugovora, u roku od 5 (pet) dana od dana očitavanja, na adresu dostave računa navedenu u ovom Ugovoru.

Ako Kupac ne zaprimi račun za obračunski period u ugovorenom roku, dužan je o tome obavijestiti Snabdjevača najkasnije do 15. u mjesecu, a Snabdjevač će izdati Kupcu kopiju računa bez posebne naknade.

Rok plaćanja ispostavljenog računa je 15 (petnaest) dana od dana očitavanja mjernog uređaja. Ako Kupac ne plati novčanu obavezu obračunskog perioda u roku dospelja, Snabdjevač će obračunati zakonsku zateznu kamatu koju iskazuje po izvršenoj uplati na prvom slijedećem računu za električnu energiju.

Član 7.

Promjena podataka

Kupac je obavezan da pisanim putem obavijesti Snabdjevača o izmjenama odgovarajućih podataka kao što je ime, adresa i slične izmjene podataka u toku ugovornog perioda koji utiču na obračun i dostavu računa.

Član 8.

Prigovor na račun

Kupac može podnijeti Snabdjevaču pismeni prigovor u roku od 15 (petnaest) dana od dana izdavanja računa u kojem djelimično ili u cijelosti osporava račun. Prigovor Kupca ne odgađa plaćanje neosporenog dijela računa.

Snabdjevač je dužan odgovoriti Kupcu na prigovor u roku od 8 (osam) dana od dana prijema prigovora. Ako je prigovor opravdan, Snabdjevač će izdati novi račun s novim rokom dospelja. U slučaju neprihvatanja prigovora, Kupac je dužan platiti prvobitno ispostavljeni račun u punom iznosu.

Član 9.

Ograničenje i obustava isporuke električne energije

Snabdjevač može izvršiti ograničenje ili obustavu isporuke električne energije Kupcu u slučajevima, pod uslovima i na način utvrđenim Opštim uslovima (Dio - četvrti, Poglavlje I).

Ako Kupac ne izvršava obavezu plaćanja u ugovorenom roku, Kupcu može biti izvršena obustava isporuke električne energije nakon isteka roka utvrđenog u obavještenju o isključenju koji ne može biti kraći od 8 dana.

Član 10.

Ograničenje isporuke (za kupce iz člana 81. Opštih uslova)

U skladu sa članom 81. Opštih uslova, Kupcu se može ograničiti isporuka električne energije na minimalni nivo isporuke koji ne ugrožava bezbjednost rada.

U slučaju da Kupac neuredno izmiruje svoje obaveze za plaćanje preuzete električne energije, Snabdjevač može tražiti, a Kupac je dužan da osigura vlastitu mjenicu ili bankovnu garanciju, u formi prihvatljivoj za Snabdjevača i u iznosu jednakom prosječnom dvomjesečnom računu.

Snabdjevač može, bez obzira na odredbe stava 1. ovog člana, obustaviti isporuku električne energije zbog neplaćanja, ukoliko Kupac ne osigura instrumente obezbjeđenja plaćanja za preuzetu električnu energiju navedene u prethodnom stavu.

Član 11.

Naknada štete

Odgovornost za učinjenu štetu, način rješavanja i visinu naknade štete, ugovorne strane će utvrđivati u skladu sa članom 82. Opštih uslova i odredbama ZOO.

Visina naknade štete biće utvrđena sporazumno na osnovu tržišnog pristupa ili na osnovu vještačenja od strane neovisnog vještaka prihvatljivog za obje strane.

Ako strane ne postignu konsenzus o odgovornosti za učinjenu štetu i visini naknade štete svaka strana ima pravo da pokrene sudski spor.

Član 12.

Način razrješavanja sporova

Prigovore, zbog nepoštivanja odredbi Opštih uslova, koje Kupac uputi Snabdjevaču, Snabdjevač će rješavati u skladu sa procedurama predviđenim u članu 83. Opštih uslova.

Kupac može podnijeti zahtjev FERK-u za rješavanje sporova, u vezi sa slučajevima utvrđenim u članu 84. Opštih uslova, u roku od 15 dana od dana prijema odgovora od strane Snabdjevača po prigovoru. Rješavanje sporova pred FERK-om ne isključuje pravo na pokretanje sudskog spora ako strane u sporu ne postignu konsenzus.

Ako se strane posebno dogovore, za rješavanje sporova u vezi sa slučajevima utvrđenim u članu 84. Opštih uslova, mogu ugovoriti arbitražu pred FERK-om u skladu sa odredbama Pravilnika za arbitražu FERK-a.

Za rješavanje sporova za koje strane ne postignu konsenzus u postupku pred FERK-om, ili za koje strane ne ugovore arbitražu pred FERK-om ili za rješavanje sporova koji ne spadaju u slučajeve utvrđene u članu 84. Opštih uslova, nadležan je sud u sjedištu Podružnice Snabdjevača.

Član 13.

Primjena propisa

Ugovorne strane se obavezuju da primjenjuju zakon, Opšte uslove i druga pravila i propise FERK-a.

U slučaju promjena postojećih, ili donošenja novih, zakona, Opštih uslova, Odluke o tarifnim stavovima i drugih pravila i propisa FERK-a, obračun i fakturisanje isporučene električne energije vrši se od dana važnosti novih propisa, u skladu sa istim, i bez zaključenja novog ugovora ili aneksa ovom Ugovoru.

Član 14.

Izuzeci od obaveze isporuke

Snabdjevač se oslobađa obaveza u pogledu snabdijevanja električnom energijom u periodu trajanja kvara u sistemu, više sile ili radova na mreži, kao i ostalih okolnosti na koje nije mogao uticati.

Član 15.

Promjena vlasništva

Promjena vlasništva objekata i nasljeđivanje, odnosno prijava i odjava mjernog mjesta, regulirani su odredbama člana 41. Opštih uslova.

Član 16.

Trajanje i prestanak Ugovora

Ovaj Ugovor se zaključuje na neodređeno vrijeme. Svaka ugovorna strana može na pisani zahtjev raskinuti ovaj Ugovor uz otkazni rok od 30 (trideset) dana pod uslovom da izmiri sve neizmirene obaveze prema drugoj strani do raskida ugovora.

Ugovorna strana koja pokreće postupak raskida ugovora zbog neispunjenja obaveza druge strane, obavezuje se, prije podnošenja pisane obavijesti o raskidu ugovora, dostaviti pisanu opomenu drugoj strani o neizvršavanju obaveza sa dodatnim rokom za ispunjenje obaveza.


U slučaju ako Kupac u roku do 90 (devedeset) dana ne otkloni razloge zbog kojih mu je obustavljena ili naložena obustava snabdijevanja električnom energijom, ovaj Ugovor će biti raskinut na osnovu pisanog zahtjeva Snabdjevača.

Ugovor može prestati u slučaju nastupa drugih okolnosti za prestanak ugovora prema odredbama zakona i Opštih uslova.

Član 17.

Broj primjeraka

Ovaj Ugovor sastavljen je u 2 (dva) istovjetna primjerka, od kojih svaka ugovorna strana zadržava po jedan primjerak.



Broj: 03-4-344-21830/10

UGOVOR broj 202-23711/11
o korištenju distributivne mreže

I UGOVORNE STRANE

KU U DRŽAVNOJ SVOJINI OŠ ZAIM KOLAR DEJČIĆI

Trnovo, ŠABIĆI BB

Identifikacioni broj: 4200169140000 (u daljem tekstu: Krajnji kupac)

2. Javno preduzeće Elektroprivreda BiH d.d. - Sarajevo, Podružnica "Elektrodistribucija", Sarajevo, Zmaja od Bosne 49, koji zastupa Direktor Esed Džananović ili ovlašteno lice (u daljem tekstu: Distributer)

II PREDMET UGOVORA

Član 1.

Predmet ovog Ugovora je uređenje međusobnih odnosa ugovornih strana o korištenju distributivne mreže na koju je Krajnji kupac priključen na osnovu Elektroenergetske saglasnosti, broj 202-23711/11 od 29.09.2011. Priključenje na distributivnu mrežu je izvedeno na naponskom nivou 0.4 kV, preko obračunskog mjernog mjesta broj 137878 koje se nalazi na adresi DEJČIĆI BB BB, Trnovo. Krajnjem kupcu je odobrena priključna snaga od 8 kW za namjenu Poslovni i kategoriju potrošnje Ostala potrošnja na 0.4 kV.

Ugovorne strane su saglasne da se prilikom prvog priključenja ili izmjene na obračunskom mjernom mjestu zajednički utvrdi početno stanje brojila za obračun isporučene električne energije.

Član 2.

Distributer stavlja na raspolaganje Krajnjem kupcu distributivnu mrežu prema uslovima iz ovog Ugovora, uz poštovanje odredbi Opštih uslova za isporuku električne energije, tehničkih pravilnika u primjeni, važećih zakonskih i podzakonskih akata, kao i pravila i propisa Regulatorne agencije za električnu energiju u Federaciji Bosne i Hercegovine (u daljem tekstu FERK).

Krajnji kupac se obavezuje da će distributivnu mrežu i priključak koristiti samo za vlastite potrebe u skladu sa uslovima iz Elektroenergetske saglasnosti i ovog Ugovora.

Član 3.

Distributer je vlasnik priključka i preuzima obavezu održavanja priključka i baždarenja mjernih uređaja, u skladu sa Opštim uslovima za isporuku električne energije.

Distributer nije vlasnik usponskih vodova od kablovskog priključnog ormara do mjernih ormara sa brojilima u stambenim ili stambeno-poslovnim zgradama ukoliko su mjerni ormari ugrađeni po etažama.

Distributer nije vlasnik glavnih razvodnih i mjernih ormara u stambenim ili stambeno-poslovnim zgradama.

Član 4.

Uslovi korištenja distributivne mreže dati su u prilogu i čine sastavni dio ovog Ugovora.

Član 5.

Rok važenja ovog Ugovora nije ograničen.

Izuzetno, u slučaju kada je Krajnjem kupcu izdata Elektroenergetska saglasnost na određeni period, ovaj Ugovor važi do isteka roka važenja Elektroenergetske saglasnosti.

Član 6.

Ovaj Ugovor stupa na snagu danom obostranog potpisivanja.

Ugovor je sačinjen u dva (2) istovjetna primjerka od kojih svakoj ugovornoj strani pripada po jedan (1) primjerak.

Distributer
Esed Džananović, Direktor
72

U Sarajevo, datum 02-02-2012. god.

Krajnji kupac

KU U DRŽAVNOJ SVOJINI OŠ ZAIM KOLAR
DEJČIĆI

Broj L.
Datum

03-44342-21830/10



JP ELEKTROPRIVREDA BiH

d.d. - Sarajevo

Podružnica "Elektrodistribucija", Sarajevo

JU OŠ ZAIM KOLAR DEJČIĆI
DEJČIĆI BB
71220 TRNOVO

02-02-2012

Sarajevo, 27.01.2012.

Broj: 03-4-344-21890/2010

Predmet: Dostava Ugovora na potpis i ovjeru

Poštovani,

U prilogu dopisa dostavljamo vam 2 (dva) primjerka Ugovora o korištenju distributivne mreže, broj 202-23711/11 od 27.01.2012. godine i 2 (dva) istovjetna primjerka Ugovora o snabdijevanju električnom energijom broj ST-403-202-23771/11/2011 od 27.01.2012. godine, potpisana i ovjerena s naše strane.

Obavještavamo vas da ste u skladu sa čl. 34. stav.2. Opštih uslova za isporuku električne energije („Sl. novine Federacije BiH“, broj 35/08, 81/09, 32/10 i 37/10), dužni potpisati i ovjeriti predmetne ugovore i po jedan primjerak svakog ugovora potpisan i ovjeren s vaše strane dostaviti za naše potrebe, najkasnije do 15.02.2012.godine na adresu JP Elektroprivreda BiH d.d. Sarajevo, Podružnica „Elektrodistribucija“ Sarajevo, ul. Zmaja od Bosne 49. Sarajevo.

Dostavu potpisanih ugovora možete izvršiti i preko očitaca/djelioca računa ili na jednom od naplatnih mjesta Elektrodistribucije Sarajevo.

Ukoliko neki od podataka u dostavljenim ugovorima nisu tačni ili ukoliko je stvarni korisnik druga osoba u odnosu na našu evidenciju (ime na računu), molimo da te podatke ili ime kupca prekrižite i velikim štampanim slovima ispod prekriženog podatka upišete tačne nazive i Vaše ime kao stvarnog korisnika.

Ujedno vam dostavljamo i Izjavu koju je neophodno popuniti i dostaviti ukoliko neki od podataka u dostavljenim ugovorima nisu tačni ili ukoliko je stvarni korisnik drugo pravno ili fizičko lice u odnosu na našu evidenciju.

U slučaju da ponuđeni ugovori ne budu potpisani i vraćeni s vaše strane, do gore navedenog roka, bićemo prinuđeni postupiti u skladu sa čl. 89. stav 1. Opštih uslova za isporuku električne energije i obustaviti isporuku električne energije.

Za sve eventualne posljedice, koje bi mogle nastupiti zbog obustave isporuke električne energije Podružnica „Elektrodistribucija“ Sarajevo, (Distributer/ Snabdjevač), ne snosi nikakvu odgovornost.

Za sve dodatne informacije po navedenom, možete se obratiti na gore navedenu adresu ili putem telefona broj 033 / 75 16 39 (Ugovor o snabdijevanju električnom energijom) i 033 / 75 16 27 (Ugovor o korištenju distributivne mreže).

S poštovanjem,

Podružnica „Elektrodistribucija“ Sarajevo

Potpis kupca /stvarnog korisnika

Wilsonovo šetalište 15, 71000 Sarajevo, BiH
Tel: +387 33 75 10 00; Fax: +387 33 75 10 03
www.elektroprivreda.ba

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005

DIREKCIJA

3060510000013961 - Hypo Alpe - Adria Bank d.d. Mostar
1601060000004629 - Vakufska banka d.d. Sarajevo
1990490176075902 - Sparkasse Bank d.d. Sarajevo

PODRUŽNICA
"ELEKTRODISTRIBUCIJA",
SARAJEVO



Certifikat br. 44 100 080653

1/1

Zmaja od Bosne 49, 71000 Sarajevo, BiH
Tel.: +387 33 75 10 00; Fax.: +387 33 75 15 75
www.elektroprivreda.ba

Reg. broj: UF/I-2108/04 Kantonalni sud Sarajevo
Porezni broj: 4200225150030
PDV broj: 200225150005

3060310001059340 - Hypo Alpe-Adria Bank d.d. Mostar
1990540073360514 - Sparkasse Bank d.d. Sarajevo